



REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE SESTU
TZITADI METROPOLITANA DE CASTEDDU



Ddu sciiast?

Sa pedra mulla est unu arrastu de importu de s'edadi romana chi dd'ant scoberta in su 1957 fendi traballus de arrecasciadura a intru de sa crèsia de Santu Giroxi innui s'agatat ancora oi.

Custas pedras traballadas a manu serbiant a marcai is mìllius me is arrugas pùblicas romanas, difatis teniant scriiduras chi inditànt is tìtulus de s'imperadori, de is funtzionàrius, su nòmuni de s'arruga e sa stesiada de su logu de partèntzia.

In custa de Sestu, chi forsis marcàt su de ses mìllius de s'arruga chi est arregordada in s'Itineràriu Antoninianu cumentu *alio itinere ab Ulbia Caralis* (chi allongiàt Terranoa cun Casteddu passendi a intru de s'isula), o forsis de cussa chi de Carales lompiàt in Turris Libisonis (oi Portu Turre), ddoi funt is dèdicas e is incàrrigus de s'imperadori chi nci permitint de donai una datatzioni a is scriiduras, chi est su 208 p.C. S'imperadori fiat Lucio Settimio Severo, acostau de is duus fillus suos Marco Aurelio Antonino, est a nai Caracalla, e Geta.

Po malasorti non ddoi est prus s'inditadura de is mìllius e mancai custu sa pedra mulla est stètia acostada a su nòmuni de sa bidde, acapiendi-dda de fitianu a una "stazioni" romana chi s'agatàt a ses mìllius de Carales.

De interessu est sa teoria chi narat chi de Sestu, in su mesuevu, s'arruga chi partiat de Casteddu si spartziat in duus alas e de innoi una perra tiràt conca a Santa Giusta e s'àtera conca a sa Barbàgia. Acapiau a custa ddoi est finsas s'arrexonamentu a pitzus de is arrèxinis de sa bidde chi funt mesuevalis, pruschetotu po cussu chi pertocat s'edilìtzia e s'urbanìstica.



REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE SESTU
TZITADI METROPOLITANA DE CASTEDDU



Ddu sciiast?

